

Kijilikoau Kajiluh Jang John 3 JOHN

*Oarlap in Kijilikoau oauwe
Kajiluh in Kijilikoau Jang John* ne insingdi jang in mengin poahn “Me Mahu” oang jounkaweid in mwomwohdjo, adanki Gaius. Jouninsinngo kapingkalahngankihoang Gaius jauwaj ma ih wiahng epwi joauloang sohrohr, ih ken pel padahkihoang en kaperki ih woal men ma adanki Diotrefhes.

Audoapoa in Oarlap

Sapin Kijilikoau 1-4

Kapingpen Gaius 5-8

Kariahpen Diotrefhes 9-10

Kapingpen Demetrius 11-12

Kadoariheklahn Kijilikoau 13-15

¹ Jang me Mahu —

Oang Gaius ma ngoahi kin ipwilki mehlel.

² Oai pirien kajampwal, ngoahi kin kapkapki pwa koawoa en pwoaida in joang ohroj, apel koawoa en pel sihkei, doahroar oamw sihkei in pali ngen. ³ Ngoahi malaukihda koalik nehn anjoauwo ma epwi riasai joauloanngok indoa apel sikoahda oamw loalpwoas oang me mehlello, doahroar oamw kin mohmohmourki me mehlello anjoau ohroj. ⁴ Johpwa me ngoahi malauki jang oai rong ma noai jeri kan kin mohmohmourki mour mehlello.

Kapingpen Gaius

⁵ Oai pirien kajampwal, pwen mwehu oamw loalpwoas oang doadoahk mwehu ma koawoa kin wihwiahng riasai joauloang kan, mihndahr ma irai mihn keiru pwi. ⁶ Irai kin sikoahng sohn mwomwohdjo oauwe doahroar oamw limpoak. Doari, ngoahi poaki ipoamw, koawoa en pel jeuweje irai pwa irai en kak doaudioaulahr nehn arai jeiloak, nehn joang kan ma Koahs kupwurperenki. ⁷ Pwa nehn irai sapkihda jeiloakki doadoahk in Christ, irai johpwa nimen oaloe jauwaj jang armaj rosros kan. ⁸ Doari, kisai joauloang kan uhdahn jeuweje armaj pwiai, pwa kisai en wiahki oau nehn irai doadoahklahng me mehlello.

Diotrephes apel Demetrius

⁹ Ngoahi kadarwehng sohn mwomwohdjo kiji-likoau mwosmwos oau; a pwa Diotrephes nimen wiahla arai jounkaweid, johpwa nimen rong dahkij ngoahi pwa. ¹⁰ Doari, nehn oai pirin alwe, ngoahi pirin pwehng kamwai meohroj ma ih wia: joang nauna kan ma ih pwahki kamai apel likamw kan ma ih kin sikoahki kamai. A jaudi joang pwiaioar; pwa ih pel johpwa kin kajamwo riasai joauloang kan anjoau irai indoa. Ih pel kainoapwihdi irai kan ma nimen kajamwo irai, pel jong in kajroa irai jang nehn mwomwohdjo!

¹¹ Oai pirien kajampwal, koawoa en joah japjang me nauna, a koawoa en japjang me mwehu. Emen ma kin wihwia me mwehu, ioar ih nihn Koahs; a emen ma kin wihwia me nauna ih johpwa kidal Koahs.

¹² Ohroj ma kin siko a mwehuwin Demetrius, mehlello kin pel kajalehda ih. Doari, kamai kapsahng amai kadehde, a koawoa kidal pwa amai kadehde pwen mehlel.

Kadoariheklahn Rahnmwahu kan

¹³ Joang dihrdir ngoahi nimen sikoahng koawoa, a ngoahi johpwa nimen insingehki pehn apel ingk. ¹⁴ Ngoahi koapwoarpwoarki pwa ngoahi pirin suhwoang koawoa anjoau koaroan; doari, kisa kapwa sikesikpene.

¹⁵ Popohl en pwilpwili koawoa.

Amai pirien kan ohroj rahnmwahu oang koawoa. Doari, koawoa en kioang amai rahnmwahu oang emenemen amai pirien kan ohroj.

Mokilese Bible
Matthew and Mark in the Mokilese language of
Micronesia

Copyright © 2019 Mokilese Bible Translation Committee

Language: Mwoakilloa (Mokilese)

This is a draft translation. Please check back often for updates at <https://eBible.org/mkj/>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-07-03

PDF generated using Haiola and XeLaTeX on 3 Jul 2024 from source files dated 3 Jul 2024

4097fd30-31ee-5fdc-8d01-bc0facef348a